

A situación xerada coa implantación dos ciclos básicos de FP de Electricidade e Electrónica no IES 1º de Marzo "preocupa" á agrupación socialista de Baiona. A imposición desta especialidade de FP ao centro pola Xunta de Galicia está a traer graves problemas pola ausencia de infraestruturas adecuadas para atendelo. Nomeadamente a carencia dun laboratorio específico para o seu ensino. Os socialistas entenden que a resolución foi tomada polo goberno autonómico sen consultar á comunidade educativa de Baiona. Tamén sinalan ao gobernante PP no municipio "que dende o Concello non di nada e non defende os intereses dos seus veciños".

As dificultades denunciadas polo centro foron duramente reprochadas pola Xefatura Provincial [na propia web da Consellaría de Educación](#), segundo denuncia do sindicato da CIG. "Os socialistas de Baiona queren mostrar o seu absoluto apoio e solidariedade coas reivindicacións que está a facer a comunidade educativa do IES 1º de Marzo", salienta o PSOE nun comunicado.